



Universitätsbibliothek Paderborn

Talio, Sev Metiens Et Remetiens Mensvra

Stengel, Georg

Ingolstadij, 1650

§. 7. Misericordiam misericordiâ etiam in alijs pluribus fuisse
remuneratam.

[urn:nbn:de:hbz:466:1-52346](#)

46 Cap. III. An sit virtutum quoq,

adèò ut ex eo tempore iisdem hieme, quibus
estate, contenta fuerit vestibus, immò nec hiemis
intemperiem umquam senserit. Simul autem
etiam Dominus, & cùm crucem argenteam, &
cùm hanc tunicam illi ostenderet, talia ei pro-
missa fecit, unde certò illi constare posset, illam
in calis excellenti gloriâ sine fine perfruituram.
Vides talionem optabilem, & erucem da-
tam mendico in terris, in iudicio, gemmis
condecoratam toti mundo cum gloria in-
genti redhibendam? Vides vestem visibi-
lem cum inuisibili commutatam? Vides,
quantum proft Dare? Vides, cui proft?
Verè dixit S. Leo: Nobis præstamus, quod alys
erogamus.

S. Leo
serm. i. de
collectis.

§. VII.

Misericordiam misericordiâ etiam in alijs plu-
ribus fuisse remuneratam.

Carolus
Regius
in orat.
Christi.
an. lib. 10.
c. 8.

Cosmas Mediceus, qui fuit Magnorum Du-
cum Hetruria primus, multa expendebat, ut
opem afferret egentibus. Cuidam igitur ex fa-
miliaribus, eum nimis liberalem appellanti, re-
spondit: Se in libro, initarum cum Deo ratio-
num, dati & accepti, numquam potuisse èo per-
uenire, ut quæ deberet Deo solueret. Nam quid
plura dabat etiam èo plura recipiebat, semperq;
inueniret, se debitorem, Deum verò creditorem.

Dignum

Dignum tanto Principe dictum, & gemi-
num illi, quod S. Gregorius Nazianzenus
scripsit: *Numquam Dei liberalitatem & bene-
ficiantiam vinces, quamvis omnium tuarum fa-
cilitatum jacturam feceris; quamvis te etiam
facultatibus adjeceris. Nam hoc quoque ipsum
accipere, est Deum aliquid nobis donare.* Sub-
nectit idem S. Pater duas insigne comparationes;
vnam vmbrae, quae non potest ita
præuolare ante corpus, aut tardè subsequi,
ut ab eo separetur; quia progrediente cor-
pore, semper simul progreditur, ac velut ad-
hærescit: alteram capit, supra quod mem-
bra cetera numquam possunt excrescere,
cùm quantumuis illa augeantur, semper
caput item attollatur atque superstet. Illu-
strissima sanctæ huius talionis, ac compen-
sationis, usque in centuplum, exempla reci-
tantur, à Gregorio Turonensi, & Paulo Gregor.
Diacono de Tiberio Cæsare; à Metaphraste
& Bredenbachio, de Ioanne Eleemosyna-
rio; à Surio de S. Germano Episcopo; à Li-
pomanno de S. Marcello Archimandrita; &
alia ab alijs. Ita nimur diuina benignitas,
semper eminet, numquam ab hominis libe-

ralitate 576. Me-

taph. in vita S. Ioan. Eleem. Bredenb. lib. 6. Coll. 10. Sur. 31.
Iulij. lib. 2. cap. II. vita S. Germ. Lipom. 22. Decemb.

48 Cap. III. An sit virtutum quoq,

ralitate superatur. Quis ergo non velit da-
re, vt sic detur? quis recuset esse misericors,
Luc. 6.38.
Matth. 5.
7. cùm misericordes misericordiam consequantur,
in tantum augendam, vt ab homine num-

Leont. quam possit adæquari? Fuit hoc certamen
Episcop. inter Deum, & Ioannem Eleemosynarium,
Neapole- qui ferè quidquid accepit, illico dedit pau-
os in eius peribus, & tamen semper iterum diuinitus
vita. recepit. Vnde multoties inuentus est ita

Deum in exultatione spiritûs compellans:
Sic, sic, aut tu mittendo, aut ego dispergendo:
videbimus, quis vincat. Liquet enim, quoniam
tu diues. Domine, & vita nostra miserator es.
Hac ipsa de caussa, cùm aliquando dies el-
apsus esset, quo non meminerat, se opus mise-
ricordiæ ullum præstittere, mœstitudinem vultu
præ se ferens singularem, à Sophronio inter-
rogatus, quid ei triste accidisset, respondit:
Hodie miserandus Ioannes, non ab aliquo ullam
recepit mercedem, neq; ullum vel minimum pia-
culum potuit offerre Christo pro multis & ma-
gnis suis delictis, quo modo neq; alias umquam.
Quid mirum ita sentire Christianum, qui
credit illud à veritate dictum: *Misericordes*
misericordiam consequentur: itemque: Date,
& dabitur? cùm à Romano Etnico Impe-
ratore dictum fuisse scribatur: *Hodie non*

regnab;

regnauimus, quoniam neminem affecimus beneficio: & à Græco, in simili caufa; Amici, diem perdidimus. Etsi autem plurimis diuinus remunerat mercedem præmiumque virtutis in alteram vitam referuat, multis tamen etiam virtutis talionem in hac quoque promittit, & largitur: clara enim sunt illa: *Om- Matth. 19^o*
nis, qui reliquerit domum, vel fratres, aut so- 29.
rores, aut patrem, aut matrem, aut uxorem,
aut filios, aut agros, propter nomen meum, cen-
tuplum accipiet, & vitam aeternam possidebit.
Sed de hoc argumento agendi proprius lo-
cus est, in tractatu de judicijs, que Deus in
altera vita exercet: hic satis est, docuisse obi-
ter, etiam virtutum talionem esse in hac vita
à Deo. Iacobus Aragoniæ rex, Ordinis D. Ma-
riae de Mercede, (seu redemptionis captiuo-
*rum) præcipuus auctor esse creditur, ait Ioan: *Ios. Ma-*
*Mariana, voti reus, ut quidam scribunt, quod *Riana lib.**
*Muntione, dum captivi instar teneretur, Vir- *12. c. 8. ad**
*gini Matri nuncuparat, usu edoctus, quantum *An. 1218.**
esset captitatis malum. Hinc libertati red-
ditus, Deoq; gratus, eum Ordinem instituit,
qui etiam alios captiuitate liberaret, vt etiā
alios eo beneficio afficeret, quod ipse exper-
*tus esset. Faciant hoc homines, & non fa-**

D

ciat

ciat Deus, qui protestatur sibi fieri, quod fit
suis? Nunc ad pœnæ talionem accedamus.

C A P V T IV.

*Caciae, nubes in se trahenti, similes esse,
qui malum, quod alijs parant, patiun-
tur, idq; Poetarum & fabularum
exemplis declaratur.*

§. I.

Cacia vento similes esse peccatores.

Plin. lib. 2. nat. hist. 46. Arist. lib. de Mundo & Meteor. & sect. 26. Problem. A. Gellius I. 2. c. 22. Plutarch. in vita Sertorii.

Ventus, cui Cæcias nomen, qui media inter Aquilonem & exortum regione flat, à Plinio scribitur, vñus contra aliorum Septemtrionalium ventorum natu- rati, non pellere, sed *in se trahere nubes*, in Ponto. Aristoteles putat, eum circa ortus spirare; quod autem nubes, non more reliquorum ventorum, à se abigat, sed ad se vocet, causam existimat esse, vel quia aliis ventus reflat aduersus, eodē tempore; vel quia hic è sublimi cæli parte spirans, puta orientali, non transuersus per terram fertur, sed recurvata linea, propter reflexum, vnde exortus est, eò recurrit. Animaduersa hac Cæciae natura, Sertorius Cacitanos, vel Characitanos hostes ad ditionem coëgit in hunc modum. E regione speluncarum, in quibus